

## SAMOA

### TULAFONO FAAFOE O FUSI O ALALEO TAU LEITIO 2018

Faatulagaina o Aiaiga

#### VAEGA 1 FAATOMUAGA

*Vaevaega 1 - Tulaga Lautele*

1. Igoa puupuu ma le amataga
2. Faamatalaina o uiga o upu
3. Sini

11. Malosiaga e faamatuu atu ai so o se ituaiiga laisene
12. Manaoga mo laisene
13. Taualumaga ma agavaa moomia mo le faamatuuina atu o se laisene
14. Aiaiga o laisene
15. Teuteuga po o aiaiga faaopoopo
16. Faasee atu o laisene
17. Taofia lē tumau po o faalēaogāina o laisene
18. Totogifuapauina o laisene

#### VAEGA 2 FUAFUAGA MA LE FAATULAGAGA O FUSI O ALALEO

4. Fuafuaga Tau Fusi o Alaleo a le Atunuu
5. Fuafuaga Tau Fusi o Peau-ea Televavave Tau Leitio
6. Teuteuga i le Fuafuaga o le Faatuulagaga o Fusi o Alaleo ma Peau-ea Televavave Tau Leitio a le Atunuu
7. Faatagaina o avanoa e faaaogāina ai fusi o alaleo tau leitio
8. Taualumaga mo avanoa e faaaogāina ai fusi o alaleo tau leitio
9. Malosiaga o le Pule Faatonu e suia ai peau-ea televavave tau leitio
10. Taualumaga mo asiasiga

*Vaevaega 2 - Laisene o Fusi o Alaleo Tau Leitio*

19. Laisene o Fusi o Alaleo Tau Leitio

*Vaevaega 3 - Alaleo Faasalalau*

20. Alaleo
21. Nofoga tau alaleo e faatonutonu ai fesootaiga tau vaalele
22. Nofoga o alaleo o vaalele
23. Alaleo faasalalau tau amata

#### VAEGA 3 LAISENE

24. Alaleo faasalalau
25. Nofoga autu o faasalalauga tau le gataifale
26. Nofoga autu o faasalalauga tau satellite
27. Alaleo mo vaa
28. Alaleo mo faamoemoega faapitoa
29. Alaleo faalauaitale o fesootaiga tau leitio
30. Nofoga mo suesuega ma atinae

**VAEGA 5  
MASINI TAU  
FESOOTAIGA  
MO NOFOAGA  
VAVALALATA  
(SRDs)**

31. Masini Tau Fesootaiga mo Nofoga Vavalalata
32. Taiala faavae mo le faagaoioia o Masini Tau Fesootaiga mo Nofoga Vavalalata

**VAEGA 6  
TIUTE TAUAVE MA  
NOATAGA LAUTELE**

33. Fefaasoaiga o fusi alaleo
34. Tagata ofisa faatagaina
35. Asiasiga o meafaigaluega o fesootaiga tau leitio
36. Alaleo ma fesootaiga o faamatalaga faakomepiuta e ao ona faaaogaina mo faamoemoega e tusa ai ma le tulafono
37. Tapulaa e uiga i le faaooina atu o faamatalaga
38. Faatonuga e aveesea pe tuuititia ai tulaga faalavelaveina
39. Faatinoga e vave aveesea ai tulaga faalavelaveina
40. Toe suia o nofoaga o alaleo
41. Faaaogaina o fusi o alaleo tau leitio i faalavelave tutupu faafuasei
42. Faasalaga mo le solia o tulafono faafoe

Faamatalaga

---

**E TUSA AI** ma le fuaiupu 23 o le Tulafono o Fesootaiga 2005, (“o le Tulafono”), e tuuina atu ai e le Pule Faatonu nei Tulafono Faafoe mo le puleaina, faaaogaina ma le faagaoioiga o fusi o alaleo tau leitio i Samoa ma ia fesootai faatasi ma le Fuafuaga o Fusi o Alaleo i le Atunuu Lautele:

FAIAi lenei aso ..... 19 ..... o *Februari* ..... 2018.



.....  
(Lefaoalii Unutoa Auelua Fonoti)

**PULE FAATONU**

**Faatomuaga:**

1. O Peau-ea Televavave o Fusi o Alaleo Tau Leitio (“Fusi o Alaleo Tau Leitio”) o se punaoa lea e mafai ona faaaogāina e siitia ai le lelei faafoe ma le taunuuga lelei o le siosiomaga o galuega a Samoa ma siitia le tulaga aupito maualuga o olaga o tagata o Samoa. O lo o faaaogāina e tuuina atu ai le tele o auaunaga o fesootaiga tau leitio e aofia uma ai, ae e lē faatapulaaina, i auaunaga o fesootaiga tau le tagata lava ia ma fesootaiga ua tuufaatasia faaletulafono, faatautaiga o leitio ma faasalalauga.
2. O Fusi o Alaleo Tau Leitio, o ni punaoa e faatapulaaina, o lea e manaomia ai ona i ai i se tulaga lelei ma talafeagai ina ia mautinoa ai e faapea, e le o faamaimauina ae o lo o faaaogāina mo ni faamanuiaga aupito i sili ona lelei mo sosaiete ma le tamaoiga. I le ma lea, o le faaaogāina o Fusi o Alaleo Tau Leitio, e manaomia ai ona tuufaatasia e alofia ai faafitauli e faalavelaveina ai.

**TULAFONO FAAFOE**

**VAEGA 1  
FAATOMUAGA**

**1. Igoa puupuu ma le amataga -** E mafai ona taua nei Tulafono Faafoe o le Tulafono Faafoe o Fusi o Alaleo Tau Leitio 2018, ma e tatau ona faamamaluina i le aso e sainia ai e le Pule Faatonu.

**2. Faamatalaina o uiga o upu-(1)** I totonu o nei Tulafono Faatonutonu, ae vagana ai e ese se uiga o manaomia e le mataupu:

“alaleo faasalalau tau amata” o lona uiga o se alaleo ua faatagaina ai se tagata laiseneina tau amata e faagaoioia mo le faaaogāina, mo faamoemoega o aoaoga tau le tagata lava ia i fesootaiga tau leitio, fesootaiga i le va ma isi o faagaoioia isi alaleo ma suesuega faapitoa i mataupu tau fesootaiga tau leitio e aunoa ma se aia tuusao po o le lē tuusao foi tau tupe;

“tagata ofisa faatagaina” o lona uiga o so o se tagata ofisa ua faatagaina i lalo o le Tulafono Faatonutonu 34;

“aso” o lona uiga o se aso i lalo o le masina faale-kalena, e aofia ai le Aso Toonai, Aso Sa po o se aso malolo mo tagata uma ua faaalua manino po o ua faatulagaina mai i lalo o le Tulafono o Aso Malolo mo Tagata Uma 2008;

“malosi e lē teena”:

(a) o lona uiga o so o se faalavelave ua lē talafeagai ona faafoeina e le kamupani ua laiseneina; ma

(b) e aunoa ma ni itu faatapulaaina, e aofia ai -

(i) le lē tausisia e so o se isi o tuuina atu auaunaga o le faaooina atu o mea faigaluega i le taimi faatulagaina;

(ii) o mea e mafua mai galuega mamana a le Atua, e faapei o le emo o le uila, mafuie, matagi malolosi po o lologa;

(iii) so o se ituaiga o feeseeseaiga tau alamanuia;

(iv) o se taua po o gaioiga faamiliteri;

(v) o le faalavelaveina po o le lē toafilemu i le va o tagata;

(vi) o se malaia po o le papa o ni mea matautia;

(vii) o se tau ua tulaga ese lona maemaea;

(viii) faalavelave po o le lē tausisia o auaunaga lautele (e aofia ai ae peitai e lē faatapulaaina na o malosiaga faaeletise, kasa, suavai);

(ix) o se faalavelave faafuasei ua faaalua manino i lalo o se Tulafono.

“laisene” o lona uiga o laisene ua tuuina atu i lalo o le fuaiupu 22 o le Tulafono;

“Kamupani laiseneina” o lona uiga o se kamupani ua umia se laisene;

“Fuafuaga Mamao mo Fusi o Alaleo” o lona uiga o se fuafuaga ua saunia i lalo o le fuaiupu 22 o le Tulafono;

“fesootaiga tau leitio” o lona uiga o so o se faasalalauga, faamatuu ese atu ma le mauaina o faailoilo, faailoilo manino, gaoioiga, tusitusiga, o ata, leo, po o le atamai patino o so o se mea o le natura, e aofia ai peau-ea televavave tau leitio e faamatuuina atu, e tauala atu i gaoioiga faia fua i le va o peau galugalu faamaneta o peau-ea televavave e i le va o le 9kHz ma le 3, 000 GHz;

“Fuafuaga o le Faatulagaina o Fusi o Peau-ea Televavave tau Leitio” o lona uiga o le Fuafuaga ua saunia i lalo o le Tulafono Faafae 5;

“fusi o alaleo tau leitio” o lona uiga o se vaega o le fusi o alaleo e i le va o le 9 kHz ma le 3, 000 GHz;

“alaleo faasalalau tau leitio” o lona uiga o so o se fale po o se vaega ua faapipiina ai e faapea o lo o tuuina atu ai peau televavave tau leitio i se tulaga tumau po o le lē tumau foi;

“Tulafono Faatonutonu” o lona uiga o Tulafono Faatonutonu ua faia i lalo o le Tulafono;

“masini tau fesootaiga mo nofoaga vavalalata” po o “SRDs” o lona uiga o ni masini tau fesootaiga e pei ona faasinomia i totonu o le Tulafono Faafae 31;

“alaleo faasalalau” o lona uiga e tasi pe sili atu foi o ni masini e faaoo atu ai ma maua mai ai, po o le tuufaatasiga o masini e faaoo atu ai ma maua mai ai, e aofia ai ma meafaigaluega talafeagai i se nofoaga se tasi po o i totonu o se nofoaga feaveai se tasi mo le tauaveina o auaunaga o fesootaiga tau leitio po o auaunaga tau leitio i le vanimonimo;

“tausaga” o lona uiga o le tausaga faale-kalena e amata mai i le aso 1 o Ianuari ma faaiuina i le aso 31 o Tesema.

**3. Sini-(1)** O le sini o nei Tulafono Faafae o le faamautuina lea o sini talafeagai o Tulafono faafae ma taualumaga e faafaeina ai le faaaogāina o fusi o alaleo tau leitio e tusa ai ma le Tulafono.

(2) O nei Tulafono Faafae o le a faatinoina i se faiga le faaituau, talafeagai ma manino, e tusa ona tatau ai i tagata uma ma kamupani e fesootai i ai (tusa lava pe tumaoti, faalauaitale po o e umia soofaatasi) ua faapea ona faasinomia i sini o aiaiga ua maoti mai.

**VAEGA 2**  
**FUAFUAGA MA LE FAATULAGAGA**  
**O FUSI O ALALEO**

**4. Fuafuaga Tau Fusi o Alaleo a le Atunuu** - E tatau i le Pule Faatonu ona iloilo le faiga faavae ma sini e fesootai i le faaaogāina o peau-ea televavave tau leitio i le lumanai pe a tapenaina le Fuafuaga tau Fusi o Alaleo a le Atunuu i lalo o le Fuaiupu 22 o le Tulafono.

**5. Fuafuaga Tau Fusi o Peau-ea Televavave Tau Leitio** - E tatau i le Pule Faatonu ona:

- (a) saunia se Fuafuaga Tau Fusi o Peau-ea Televavave Tau Leitio;
- (b) ia lomia mo faamatalaga i so o se faiga e manatu le Pule Faatonu ua talafeagai ai;
- (c) ia mautinoa o lo o ogatasi ma le Fuafuaga o Faatulagaga Faava o Malo Tau Fesootaiga a Iuni Faaitulagi i mataupu tau Faatulagaga o Peau-ea Televavave mo le Itulagi 3 ma le Tulafono Faatonutonu o Leitio ma Iugafono; ma
- (d) ia mautinoa o lo o maoti ma faatulagaina auaunaga patino ia o fusi o peau televavave tau leitio.

**6. Teuteuga i le Fuafuaga o le Faatulagaga o Fusi o Alaleo ma Peau-ea Televavave Tau Leitio a le Atunuu** - E mafai e le Pule Faatonu ona ia teuteuina le Fuafuaga o Fusi o Alaleo a le Atunuu po o le Fuafuaga o le Faatulagaga o Peau-ea Televavave Tau Leitio (i le fuafuaga atoa po o sona vaega) pe afai ua manatu le Pule Faatonu e faapea ua talafeagai ona faia se teuteuga mo le faatinoina o le Tulafono.

**7. Faatagaina o avanoa e faaaogāina ai fusi o alaleo tau leitio-(1)** E mafai e le Pule Faatonu ona:

- (a) e ala i le i ai o se laisene, ona fuafuaina so o se vaega ua faaalua maoti o fusi o alaleo tau leitio o le a faamatuu i luga o se tulaga aloaia po o e fefaasoai ai mo le faaaogāina e alaleo faasalalau e umia e se tagata se toatasi po o se faalapotopotoga; po o

(b) i le aunoa ma se laisene, ona fuafuaina e faapea o so o se vaega ua faaalua maoti o se fusi o alaleo tau leitio ia faia ina ia avanoa ai mo le faaaogāina ma avanoa i fusi o alaleo tau leitio e i latou o faaaogāina masini tau fesootaiga mo nofoaga vavalalata.

(2) E mafai e le Pule Faatonu, ina ua mauaina le totogifuapauina ua faatonuina, ona talia le faamatuuina atu o se laisene i so o se tagata e faaaogāina se vaega maoti o le fusi o alaleo tau leitio i lalo o le Tulafono Faafoe Laitiiti (1), i le noatia ma le fai fuafua i so o se tuutuuga ua faaalua maoti mai e le Pule Faatonu.

(3) E tatau i ē o faaaogāina masini tau fesootaiga mo nofoaga vavalalata, i taimi uma, ona mulimulitaia nei Tulafono Faafoe, po o aiaiga ma tuutuuga ua faaalua maoti e le Pule Faatonu, e aofia ai, ae peitai e lē faatapulaaina i e o faaaogāina o tuuina atu faamatalaga o alaleo o faagaioia faatasi ai ma le faaaogāina o masini tau fesootaiga mo nofoaga vavalalata.

(4) E mafai e le Pule Faatonu ona ia teena le faamatuuina atu o se faatagaga e faaaogāina ai so o se vaega o le fusi o alaleo i so o se tagata pe afai e teena e sea tagata le tausisia o so o se manaoga e manatu le Pule Faatonu e talafeagai ai.

**8. Tualumaga mo avanoa e faaaogāina ai fusi o alaleo tau leitio** - O tualumaga mo le taliaina o le faamatuuina atu o avanoa e faaaogāina ai fusi o alaleo tau leitio, o aiaiga mo le auai i le faatulagaga o fusi o alaleo tau leitio ma totogifuapauina e ao ina totogiina mo le faaaogāina o fusi o alaleo tau leitio e tatau ona fuafuaina e le Pule Faatonu.

**9. Malosiaga o le Pule Faatonu e suia ai peau-ea televavave tau leitio-(1)** E mafai e le Pule Faatonu ona suia le peau-ea televavave tau leitio ua tuuina atu i se kamupani ua laiseneina i lalo o le laisene pe afai ua i ai ni mafuaaga e taua ma lelei ai e tatau ai ona faia faapea.

(2) O lea tuuina atu e le Pule Faatonu se faaaliga talafeagai ia i latou o ē o faaaogāina ma o lo o aafia i nei suiga i peau-ea televavave ina ia mautinoa e le o faalavelaveina le auaunaga.

**10. Tausalumaga mo asiasiga-(1)** E mafai e le Pule Faatonu po o so o se isi lava tagata ofisa faatagaina ona:

(a) i luga o le i ai o pepa e iloagofie ai, ona ulufale i so o se nofoaga o lo o i ai se alaleo faasalalau, sootaga o fesootaiga faainitaneti, meafaigaluega, mo le faamoemoega o le asiasiga; ma

(b) asia so o se alaleo faasalalau, sootaga o fesootaiga faainitaneti po o meafaigaluega e siaki po o talafeagai le faagaoioiga e sea alaleo faasalalau, sootaga o fesootaiga faainitaneti po o meafaigaluega o mulimulitaia manaoga o le laisene ma nei Tulafono Faafoe.

(2) E tatau i le kamupani laiseneina ona faia gaoioiga talafeagai uma ia galulue faatasi ai ma le Pule Faatonu po o le tagata ofisa faatagaina.

### **VAEGA 3 LAISENE**

#### *Vaevaega 1 - Tulaga Lautele*

**11. Malosiaga e faamatuu atu ai so o se ituaiga laisene** - So o se faamatalaga e faasino i malosiaga o le Pule Faatonu e faamatuu atu ai se laisene i totonu o nei Tulafono Faafoe, e faasino i malosiaga i lalo o le fuaiupu 22(2)(g) o le Tulafono ia faamatuu atu laisene o fusi o alaleo tau leitio e aofia ai malosiaga:

(a) e teena, taofia lē tumau, suia pe faalēaogāina le laisene; po o

(b) e fuafuaina ai ituaiga o laisene o fusi o alaleo i sea tagata e faapea e agavaa ai mo so o se alaleo o lo o i ai po o se alaleo talosagaina ma auaunaga o fesootaiga tau leitio.

**12. Manaoga mo laisene** - E lē tatau i se tagata ona ia faaaogāina so o se vaega o le fusi o alaleo tau leitio vagana ua i ai se laisene e faatagaina ai sea tagata:

(a) ia faavaeina, faagaoioia pe faaaogāina se auaunaga o fesootaiga tau leitio;

(b) ia faapiipiina, faagaoioia pe faaaogāina so o se meafaigaluega e fesootai atu ai;



- (c) ia faavaeina, faagaoioia pe faaaogāina so o se auaunaga o fesootaiga tau leitio i luga o so o se vaa i luga o le sami, vaalele po o so o se vaa i luga o ogasami e patino ia Samoa.

**13. Tualumaga ma agavaa moomia mo le faamatuuina atu o se laisene-(1)** O se tagata o sē ua talosaga mo se laisene po o le toe faafouina o se laisene, e tatau ona:

- (a) tuuina atu se talosaga tusitusia i le Pule Faatonu ma totogiina totogifuapauina faatonuina;
  - (b) tuuina atu, i luga o se talosaga tusitusia i le Pule Faatonu, so o se faamatalaga maoti faaopoopo, faamatalaga o tupe ma faamatalaga faaletulafono e aofia ai so o se faamaoniga talafeagai, pemita, laisene po o le, moomia ona faatagaina e le Tulafono o lo o fesootai faatasi ma mea o umia, faavaeina, faapipiina, tausaiaina, aiaiga po o le faagaoioiga o so o se alaleo faasalalau, sootaga o fesootaiga faainitaneti po o meafaigaluega; ma
  - (c) faamalieina so o se manaoga po o taiala faataatitia ua faaalua maoti i se faiga tusitusia, e le Pule Faatonu.
- (2) O le laisene e:
- (a) aloaia, mo so o se vaitaimi e fuafuaina e le Pule Faatonu vagana ua taofia lē tumau po o le aveesea tumau ina ia tusa ai ma le Tulafono; ma
  - (b) i le noatia ma le fai fuafua i aiaiga, e aofia ai so o se vaega faasaina pe tapulaa o lo o aofia i totonu o nei Tulafono Faafae po o i totonu o le laisene.

(3) E lē tatau i se laisene ona tuusaunua ai se kamupani laiseneina mai le mauaina mai o so o se pemita faamaonia, laisene po o le faatagaga e manaomia e le Tulafono po o lo o fesootai faatasi ma mea o umia, faavaeina, faapipiina, tausai, aiaiga po o le faagaoioiga o so o se alaleo faasalalau, sootaga o fesootaiga faainitaneti po o meafaigaluega.

**14. Aiaiga o laisene** - O laisene mo fusi o alaleo tau leitio e noatia ma fai fuafua i so o se aiaiga o le laisene e faaee atu i ai e le Pule Faatonu, e pei ona ia manatu ua talafeagai ai, e aofia ai so o se aiaiga o mulimuli mai:

- (a) ituaiga o alaleo faasalalau, sootaga o fesootaiga faainitaneti po o meafaigaluega ua faatagaina sea tagata e faaaogāina;
- (b) aiaiga e faatatau i le faaaogāina o peau-ea televavave po o peau-ea televavave ua laiseneina;
- (c) faamutaina ma le toe faafouina o le laisene;
- (d) o tulaga aliae mai lea e mafai ona teuteu ai le laisene, e aofia ai ae peitai e lē faatapulaa i malosi e lē teena, o le puipuiga lautele po o so o se teuteuga i so o se Tulafono, o le faatinoina o noataga faava o malo po o le Fuafuaga o Fusi o Alaleo a le Atunuu;
- (e) ituaiga o le faamatuina atu, malosiaga ma isi manaoga faapitoa ma talafeagai mo auaunaga o fesootaiga tau leitio, ina ia alofia ai le tulaga faaletonu o le faalavelaveina ma faatapulaa ai le faailoa atu i tagata lautele o nofoaga o mea tau uila maneta e aofia ai -
  - (i) aiaiga ua faaalia maoti ai le vaega tonu faatagaina o le faamatuina atu o leitio e faaono mafua mai i le faagaoioiga a se alaleo faasalalau, sootaga o fesootaiga faainitaneti po o meafaigaluega i lalo o le laisene;
  - (ii) aiaiga ua faaalia maoti ai le nofoaga po o nofoaga ia e faapea o lo o faatagaina ai le faagaoioiga o se alalelo faasalalau;
  - (iii) o vaega o aofia i mea tau fanua ma le siosiomaga ma le vaega o aofia i le faitau aofai o tagata o i totonu o le vaega o faatagaina ai le faagaoioiga o se alaleo faasalalau po o le sootaga o fesootaiga faainitaneti;
  - (iv) aiaiga ua faaalia maoti ai le vaega tonu faatagaina e gata ai le faamatu atu o auaunaga o leitio, i fafo atu o le vaega

- e le o aofia e pei ona aiaia i le Tulafono Faafoe 14(1)(e)(iii), e faapea e ono mafua mai le faagaoioiga o se alaleo faasalalau po o se sootaga o fesootaiga tau initaneti;
- (f) aiaiga ua faaalia maoti ai se vaega po o vaega o se peau-ea televave o le fusi o alaleo tau leitio ia ua faapea, ua faatagaina ai le faagaoioiga o se alaleo faasalalau, sootaga o fesootaiga tau initaneti po o meafaigaluega;
  - (g) o le lautele o le fusi po o tulaga lautele o peau-ea televavave ia e faapea ua faatagaina ai le faaogāina o le laisene;
  - (h) aiaiga ua faaalia maoti ai vaitaimi o le taimi tonu ua faatagaina ai le faagaoioiga o se alaleo faasalalau po o se sootaga o fesootaiga tau initaneti;
  - (i) tupe totogi o totogifuapauina ua faatonuina i lalo o le fuaiupu 10 o le Tulafono;
  - (j) aiaiga e manaomia ai le tagata laiseneina ina ia tausisia faatonuga a le Pule Faatonu e faatatau i le faaogāina o fusi o alaleo;
  - (k) aiaiga o manaoga aupito maualalo o le nofoaga o aofia ai;
  - (l) tuufaatasiga o peau-ea televavave tau leitio faava o malo ma so o se isi lava aiaiga ua faaee atu, i faiga tusitusia e le Pule Faatonu mo le faaogāina tatau o fusi o alaleo.

**15. Teuteuga po o aiaiga faaopoopo-(1)** E mafai e le Pule Faatonu ona teuteuina pe faaee atu ni aiaiga faaopoopo o se laisene.

(2) O se kamupani laiseneina e tusa ai o ana tupe faaalu, e tatau ona tausisia so o se teuteuga po o ni aiaiga faaopoopo ua faia i lalo o le Tulafono Faafoe Laitiiti (1).

**16. Faasee ese atu o laisene** - E lē tatau i se kamupani ua laiseneina ona:

- (a) tofia, toe lisiina atu, faasee atu po o se isi faiga e faamatuu atu ai o aia tatau ma noataga e aofia i totonu o le laisene; po o

- (b) auai i se maliega ma se isi vaega auai e faamatuu atu ai so o se aia tatau ma tulaga aloaia ua taliaina e faamatuuina atu i le kamupani laiseneina i lea vaega auai.

**17. Taofia lē tumau po o faalēaogāina o laisene** - E mafai e le Pule Faatonu ona ia taofia lē tumau pe faalēaogāina se laisene pe afai ua faamalieina le Pule Faatonu e faapea:

- (a) o sea laisene na mauaina i ni faiga sese po o le tau faasese; po o
- (b) ua lē usitaia pe sa lē usitaia e le kamupani ua laiseneina -
  - (i) so o se aiaiga o le Tulafono po o le Tulafono Faatonutonu;
  - (ii) so o se tuutuuga po o aiaiga o le laisene; po o
  - (iii) so o se faatonuga ua tuuina atu i le kamupani laiseneina e le Pule Faatonu i lalo o le Tulafono po o le Tulafono Faatonutonu.

**18. Totogifuapauina o laisene-(1)** E tatau i se kamupani ua laiseneina ona totogi le totogifuapauina mo laisene i le tausaga, e aofia ai ma so o se tupe tului mo totogifuapauina ua tuanai le taimi e totogiina ai, ua faatonuina i lalo o le fuaiupu 10 o le Tulafono.

(2) E mafai e le Pule Faatonu ona faatagaina so o se tagata e faaaogāina so o se fusi o peau-ea televavave tau leitio mo so o se sootaga o fesootaiga faainitaneti po o se alaleo faasalalau mo se vaitaimi e lē silia ma le 90 aso mai le taimi na totogiina ai totogifuapauina e pei ona faatonuina i lalo o le fuaiupu 10 o le Tulafono.

(3) E le o faatatauina le Tulafono Faafae Laitiiti (2) i so o se faaaogāina o fusi o peau-ea televavave tau leitio ua taliaina le faamatuuina atu i lalo o se aia tatau tau fusi o alaleo, po o ua faatagaina i lalo o le laisene tau sootaga faainitaneti, laisene o se alaleo faasalalau po o se laisene o se fusi o alaleo.

*Vaevaega 2 - Laisene o Fusi o Alaleo Tau Leitio*

**19. Laisene o Fusi o Alaleo Tau Leitio-**(1) E mafai e le Pule Faatonu ona tuuina atu i se tagata po o se faalapotopotoga se laisene o fusi o alaleo tau leitio i lalo o le fuaiupu 22 o le Tulafono e faatagaina ai le kamupani laiseneina e faagaioioia se alaleo faasalalau tau leitio i luga o peau-ea televavave ua faamatuuina mai po o fusi o peau-ea televavave i lalo o le Tulafono, Tulafono Faafoe nei ma aiaiga o sea laisene.

(2) E lē tatau i le Pule Faatonu ona tuuina atu se laisene o se fusi o alaleo vagana:

- (a) ua faamalieina uma tulaga faapitoa moomia; ma
- (b) ua faamalieina so o se manaoga ua faamaotiina i se faiga tusinga e le Pule Faatonu.

(3) O le kamupani ua laiseneina:

(a) e tatau ona -

(i) teuina faamaumauga tuulata mai o peau-ea televavave faatasi ma ni faiga faapitoa ua faamatuuina atu e le Pule Faatonu i le kamupani laiseneina; ma

(ii) tuuina atu faamaumauga i le Pule Faatonu i totonu o le 14 aso talu ona tuuina atu se talosaga tusinga e le Pule Faatonu; ma

(b) e lē tatau ona faaaogā se fusi o alaleo i se faiga lea e mafua ai ona faalavelaveina ai isi auaunaga o fesootaiga tau leitio ua laiseneina.

*Vaevaega 3 - Alaleo Faasalalau*

**20. Alaleo-**(1) E tatau i le Pule Faatonu ona faatagaina se alaleo lea e faapea ona manaomia ai e auaunaga o fesootaiga tau leitio le faaaogāina o se nofoaga maoti, tulaga faataatitia faapitoa, meafaigaluega po o peau-ea televavave i totonu o se fusi o peau-ea televavave ua faatulagaina:

(a) ina ia ausia le faamoemoega o auaunaga o fesootaiga tau leitio; po o

(b) ia faafaigofie ai le galulue faatasi ma isi auaunaga o fesootaiga tau leitio.

(2) Ituaiga alaleo e aofia ai:

(a) nofoaga autu e faatonutonu ai fesootaiga tau vaalele;

- (b) vaalele;
- (c) tau amata;
- (d) faasalalauga;
- (e) gataifale;
- (f) fesootaiga tau satelite;
- (g) vaa;
- (h) faamoemoega faapitoa;
- (i) fesootaiga lautele tau leitio;
- (j) suesuega ma le atinae;
- (k) so o se isi lava ituiga ua fuafuaina i lalo o le Tulafono Faafae 11(b).

(3) O le faatagaina ai o se alaleo faasalalau, ua avanoa ai le kamupani ua laiseneina e faagaoioia se alaleo faasalalau ua faamaoti mai i totonu o lenei laisene, e tusa ai ma le Tulafono, Tulafono Faatonutonu, Tulafono Faafae nei ma so o se isi aiaiga o le laisene.

(4) E lē tatau i se alaleo faasalalau mo auaunaga o fesootaiga tau leitio, e aunoa ma le uluai faamaoniga a le Pule Faatonu, ona suia pe fetuunai e tusa ai ma faamatalaga auiliili o aofia ai i totonu o le laisene, e aofia ai:

- (a) meafaigaluega mo fesootaiga tau leitio;
- (b) o le faagaoioiga o peau-ea televavave tau leitio; ma
- (c) o le nofoaga o lo o faapea ona faapipiina ai se alaleo faasalalau po o se sootaga o fesootaiga faainitaneti.

(5) E tatau ona tausisia e le kamupani laiseneina le Tulafono, Tulafono Faatonutonu, Tulafono Faafae nei, ma isi Tulafono po o se isi Tulafono Faafae faava o malo po o Tulafono Faatonutonu e talafeagai mo alaleo faasalalau.

**21. Nofoaga tau alaleo e faatonutonu ai fesootaiga tau vaalele-**(1) E tatau i le Pule Faatonu ona tuuina atu se faatagaga mo se nofoaga autu e faatonutonu ai fesootaiga tau vaalele mo se nofoaga mautu i le lauelele e faatonutonu ai fesootaiga tau vaalele, nofoaga o leitio po o faiga e fetuunai ai leitio a se alaleo faasalalau e uiga i vaalele sivili ua resitalaina i lalo o le Tulafono o Vaalele Sivili 1998.

(2) O gaoioiga uma e aofia ai i se laisene faatagaina, mo se nofoaga tau alaleo e faatonutonu ai fesootaiga tau vaalele, e ao ona aofia ai:

- (a) so o se alaleo feaveai e faagaoioia i luga o le lauelele e lagolago ai gaoioiga tau vaalele;

- (b) alaleo feaveai e faagaoioia i luga o le ea e fesootai ai ma isi alaleo feaveai i luga o le ea po o luga o le laueleele e aofia ai alaleo e lē mafai ona feaveai e pei o nofoaga faatonutonu o feoaiga i malae vaalele.
- (c) so o se isi lava alaleo po o se mataupu ua fuafuaina i se faiga tusitusia e le Pule Faatonu.

**22. Nofoaga o alaleo o vaalele-(1)** O se faatagaga o nofoaga o alaleo o vaalele e avanoa ai se kamupani laiseneina e faavae ai, tausia ma faagaoioia meafaigaluega laiti mo fesootaiga tau leitio i luga o se vaalele.

(2) O ituaiga meafaigaluega e aofia ai i totonu o se nofoaga o alaleo o vaalele, e i ai:

- (a) masini tau vaalele e auina atu ma mauaina ai faamatalaga;
- (b) masini laiti o faatautaiga tau leitio e pei o masini faasino ala, mauaina o failoilo, masini tau leo mo le tulaeleele o se vaalele, masini e faailoa ai faailo tau leitio, ma faitauina le tau; ma
- (c) so o se isi lava meafaigaluega ua fuafuaina e le Pule Faatonu i se faiga tusitusia.

(3) So o se masini laitiiti o aofia i totonu o se alaleo faasalalau i luga o se vaalele e tatau lava ona faamalieina ai manaoga talafeagai o le Faalapotopotoga o Vaalele Sivili Faava o Malo ma ia tausisia ai le Tulafono o Vaalele Sivili po o so o se isi lava Tulafono e fesootai i vaalele sivili.

(4) O se alaleo faasalalau ua faaofiina i totonu o se vaalele e lē tatau ona faagaoioia pe faaogāina pe afai o lo o malolo le vaalele i laueleele po o ogasami o Samoa vagana:

- (a) i taimi o faalavelave tutupu faafuasei po o taimi o puapuaga;
- (b) mo faamoemoega tau fesootaiga ma faatautaiga e fesootai i le faatautaiga i le ea;
- (c) mo faamoemoega o le faataunuuina o suesuega faataitai faatasi ai ma le faamaoniga tusitusia o ma e noatia ma fai fuafua i sea aiaiga e pei ona fuafuaina e le Pule Faatonu; po o
- (d) mo faamoemoega o le faatinoina o suesuega o aogā i luga o peau-ea televavave e ese mai i peau-ea televavave o taimi o puapuaga

e fuafua ai le mafai gafatia o le auaunaga a le alaleo.

**23. Alaleo faasalalau tau amata-**(1) O ituaiga nei o alaleo tau amata:

- (a) vasega lautele (faatagaina e faaoo atu ai faailoga aloaia o fesootaiga faauaealesi);
- (b) vasega e faasaina (e lē faatagaina e faaaogāina faailoga aloaia o fesootaiga faauaealesi);
- (c) fou;
- (d) faatapulaaina; po o
- (e) so o se isi ituaiga ua fuafuaina i lalo o le Tulafono Faafoe 11 (b).

(2) O se alaleo tau amata:

- (a) e faatoa mafai ona tuuina atu i tagata agavaa po o ua faamaonia e pei ona fuafuaina e le Pule Faatonu, mo le faagaoioia o meafaigaluega mo fesootaiga tau leitio mo le faamoemoe o aoaoga tau le tagata lava ia, o le va o fesootaiga ma suesuega faapitoa i auala tau leitio ae lē mo faamanuiaga tau tupe; ma
- (b) e lē faatagaina le kamupani laiseneina e faatagaina le faaaogāina o meafaigaluega mo fesootaiga tau leitio e so o se isi lava tagata e le o ia umiaina se laisene aloaia; ma
- (c) e ui i le Tulafono Faafoe 20(3), pe ono feaveai po o i tulaga faataitai e mafai ona noatia ma fai fuafua i aiaiga e faaee atu e le Pule Faatonu.

(3) Ae vagana ai ua tuusaunoina e le Pule Faatonu, e ao i le tagata talosaga mo se alaleo tau amata, ona:

- (a) i ai se tusi faamaonia o mataupu tau leitio e mafai ona taliaina e le Pule Faatonu; ma
- (b) ina ia mafai ona agavaa mo se laisene o se alaleo tau amata, (vasega lautele), ia tuuina atu faamatalaga molimau o tulaga lelei i le auina atu ma le mauaina mai o faailoga aloaia o fesootaiga faauaealesi i le 13 upu i le minute.

(4) E tatau i le Kamupani laiseneina ona mataitu aiaiga nei:

- (a) o le alaleo-



(i) o le a lē faagaoioia i so o se nofoaga po o so o se siosiomaga o lo o faapea ona matua faasāina i totonu o le laisene;

(ii) i mataupu uma, e ao ona faagaoioia e le kamupani laiseneina po o se lala sooupu faatagaina i se faiga tusitusia e le kamupani laiseneina i lalo o le vaavaaiga a le kamupani laiseneina.

(b) E tatau i le kamupani laiseneina ona -

(i) faamautinoa e le o i ai se aafiaga mai le faalavelaveina o isi auunaga o fesootaiga tau leitio e mafua mai so o se meafaigaluega o lo o faagaoioia i lalo o le laisene ma motusia faanatinati ai faasalalauga pe a talosagaina ina ia faia faapea, i se faiga tusitusia e le Pule Faatonu po o se isi tagata ofisa faatagaina;

(ii) maua mai le faamaoniga a pulega talafeagai uma, e aofia ai le Pule Faatonu, a o le i faatuina so o se pou po o masini faatonutonu alaleo mo le faagaoioia o se alaleo;

(iii) faailoa manino lona tagata i le faasalalauina o faailoilo o valaaau ua faia, i se faiga tusitusia, i le Kamupani laiseneina e le Pule Faatonu i le amataga ma le faaiuga o fesootaiga taitasi ma i le 5 minute taitasi uma a o faagasolo fesootaiga ua tuuina atu;

(iv) tausia faamaumauga o vaitaimi o faasalalauga o faaalia ai le aso ma le taimi o vaitaimi o faasalalauga taitasi, o le alaleo na fesootai i ai ma peau-ea televavave ma auala e faamatuuina atu o faaaogāina;

(v) tausia faamaumauga o mea taitasi na faia mo le tausaga e tasi; ma

(vi) ia faia faamaumauga e pei ona taua i le parakalafa (v) ia avanoa mo suesuega i taimi talafeagai uma e se tagata ofisa faatagaina.

(5) Ua faatatauina aiaiga nei e avea ma aiaiga o se alaleo tau amata:

- (a) o feau tusitusia e faaooina atu e tauala atu i se alaleo tau amata o le a i ai i se gagana e faigofie ma o le a faasino tonu lava i faatinoga a se kamupani laiseneina po o mataupu tau le tagata lava ia (e le o ni mataupu faapisinisi), po o i mataupu tau le tagata lava ia lea o lo o fesootai ma le kamupani laiseneina;
- (b) o le a lē faaaogāina se alaleo tau amata e faaooina atu ai ni tala o mea o tutupu, faasalalauga faapisinisi, fesootaiga a se pisinisi po o vaega e le o aafia i faatinoga, feau mo tau i tau tupe po o feau mo ma avea ai ma sui o se isi vaega auai;
- (c) e ui i aiaiga o le parakalafa (b), o se alaleo tau amata e mafai ona faaaogāina e faaooina atu ai feau i le avea ai ma sui o se vaega o auai i na o mataupu o faalavelave faafuasei i le atunuu po o taumafaiga e foia faalavelave matuia i totonu o le atunuu;
- (d) o le a lē faaaogāina se alaleo tau amata e avea o se alaleo faasalalau mo ni tala i mea o tutupu, pese po o so o se isi lava ituaiga o faasalalauga seia vagana ai o ni feau o le tulaga pagatia;
- (e) vagana ua i ai le uluai faamaoniga a le Pule Faatonu, e lē tatau i le kamupani laiseneina ona faia ni valaau pe fesootai i so o se alaleo e ese ai i se alaleo tau amata;
- (f) e mafai ona fesui ai faamatalaga ma se isi alaleo tau amata vagana ai pe afai o sea faamatalaga e faasaina e le Tulafono;
- (g) e lē tatau ona amatalia faasalalauga e aunoa ma le faalogoina e ala i peau-ea televavave tau leitio o le a faaaogāina ina ia faamautinoa e faapea e le o i ai se faalavelaveina e ono mafua mai i so o se isi alaleo o lo o faagaioioia;

- (h) e tatau i se kamupani laiseneina ona faaaogāina ni masini faapitoa e tuuina atu faailoga faailoilo po o meafaigaluega i totonu o faagaoioiga po o le faaaogāina o se alaleo;
- (i) e tatau i se kamupani laiseneina ona, pe a manaomia e le Pule Faatonu, ona faaoo atu e ala i se alaleo faatagaina so o se faamatalaga mai le Pule Faatonu;
- (j) so o se gagana lē taupulea o le a lē mafai ona faasalalauina e ala atu i se alaleo faatagaina; ma
- (k) so o se isi lava aiaiga ua faaee atu i se faiga tusitusia e le Pule Faatonu.

**24. Alaleo faasalalau-**(1) E tatau i le Pule Faatonu ona tuuina atu se faatagaga mo se alaleo faasalalau mo le faagaoioia o se leitio po o se ala-ata televise, e faatagaina ai se kamupani laiseneina e tuuina atu auaunaga tau faasalalau e ala atu i se meafaigaluega o faasalalau tau leitio.

(2) O le faaaogāina o fusi o alaleo mo auaunaga tau faasalalau i lalo o se faatagaga tau faasalalau e noatia ma fai fuafua i le Tulafono, o Tulafono Faafae nei ma so o se tasi aiaiga o le laisene tau faasalalau.

(3) O se kamupani laiseneina:

(a) e tatau ona -

(i) tuuina atu i le Pule Faatonu se faafanua o le nofoaga o i ai masini e faaooina atu ai faasalalau tau leitio a se kamupani laiseneina, o malosiaga tau ave uila malolosi, o ata faataatia o ave uila malolosi ma so o se isi faamatalaga e manaomia e le Pule Faatonu;

(ii) tausia faamaumauga tuulata mai o faamatalaga manaomia i lalo o le parakalafa (a); ma

(iii) pe afai e manaomia e le Pule Faatonu, ia tuuina atu ia te ia le faamatalaga i se faiga tusitusia; ma

(b) e mafai ona suia le nofoaga po o se tasi o tapulaa faapitoa o so o se masini faasalalau, i le i ai muamua o le faatagaga a le Pule Faatonu.

**25. Nofoga autu o faasalalauga tau le gataifale-**(1) O se faatagaga mo se nofoaga autu o faasalalauga tau le gataifale e mafai ona tuuina atu mo le gataifale, e aofia ai nofoaga tapulaaaina i le talafatai po o nofoaga faasalalau tau le gataifale.

(2) E mafai ona faamatuu atu le faatagaga o se nofoaga autu o faasalalauga tau le gataifale pe afai:

(a) o sea alaleo o lo o faagaoioia e se aofaiga talafeagai ma se faavasegaga o ē o faagaoioia leitio o lo o umia agavaa talafeagai e faagaoioia auaunaga tau alaleo mo fesootaiga tau leitio; ma

(b) o lo o tausisia e le vaa so o se isi lava manaoga, ua fuafuaina e le Pule Faatonu.

(3) E tatau i se nofoaga autu o faasalalauga tau le gataifale ona:

(a) tuuina atu i luga o le vaa o pepa aloaia uma ia ua manatu le Pule Faatonu ua tatau ai, po o manaomia i lalo o Tulafono Faafae nei po o le faagaoioia lelei o sea alaleo o feaveaia i luga o le vaa; ma

(b) tausisia tualumaga o galuega ua faatulagaina i totonu o Tulafono Faafae nei ma so o se isi manaoga ua fuafuaina e le Pule Faatonu.

(4) O se alaleo o i luga o so o se vaa i totonu o ogasami faatagaina o Samoa e tatau ona faagaoioia i se faiga e lē tatau ona faalavelaveina pe faauilavea ai i le faatinoga lelei ma galuega talafeagai a so o se isi lava alaleo po o nofoaga o fesootaiga o faamatalaga tau komepiuta po o faiga ma auaunaga tau fesootaiga i totonu o Samoa.

(5) O se alaleo o i luga o so o se vaa e lē tatau ona faaaogāina pe afai ua maitauina e le auvaa o le vaa, po o pe afai ua logoina le auvaa e le Pule Faatonu e faapea o le faagaoioiga o sea alaleo ua mafua ai ona i ai ni tulaga faalavelaveina i fesootaiga tau leitio.

**26. Nofoga autu o faasalalauga tau satelite-**(1) O vasega o satelite o fesootaiga nei ua taua e mafai ona tuuina atu le faatagaga e faaoo atu ai pe faasalalau atu foi ma taliaina faamatalaga e faaaogāina ai le fesootaiga faa-satelite mo so o se faamoemoe ua faatagaina e le Pule Faatonu:

(a) (VSAT) laisene mo masini laiti tau fesootaiga;

- (b) laisene e tuliloaina ai, auala o fesootaiga ma faatonutonu (TT & C) ai nofoaga faasalalau i le laueleele;
  - (c) laisene o nofoaga faasalalau i le laueleele;
  - (d) laisene mo nofoaga o masini tau satellite e faigofie ona feaveai.
- (2) O nofoaga faasalalau tau satellite e tatau ona:
- (a) saili le faamaoniga a le Pule Faatonu mo le avanoa ai i so o se vaega o avanoa, ma ia usitaia Tulafono Faafoe e talafeagai ai, Tulafono Faatonutonu, ma taulumaga o lo o faatulaga mai e lē o lo o faatonutonuina satellite mo le avanoa ai o le nofoaga atu, totonu faaagaaga, tau faaee atu, ma totonu faaagaaga;
  - (b) ia lē faaogāina se meafaigaluega o fesootaiga tau satellite mo le tuuina atu fesootaiga lautele po o ni auaunaga tau faasalalau e aunoa ma se talosaga mo, ma tuuina mai ai le laisene talafeagai e le Pule Faatonu; ma
  - (c) faaogāina po o galuega i totonu o le fusi o peau-ea televavave tau leitio ua faamaonia e le Pule Faatonu mo le faaogāina e le kamupani ua laiseneina.

**27. Alaleo mo vaa** - E mafai ona tuuina atu i alaleo mo vaa:

- (a) o meafaigaluega uma lava o fesootaiga tau leitio i luga o se vaa (e aofia ai leitio tau folauaga mo le gataifale po o ni faiga talafeagai mo nofoaga o leitio po o alaleo ua faapipiina i luga o se vaa faaola) pe afai o sea vaa ua maea ona resitalaina po o ua laiseneina i Samoa i lalo o le Tulafono o Vaa po o se isi tulafono; po o
  - (b) pe afai o luga o sea vaa lea o le a faapea ona feaveai ai se alaleo e i ai se Tusi Faamaonia o Tulaga Saogalemu e aloaia faava o malo.
- (2) E mafai ona faaogāina se alaleo o i luga o se vaa (tusa lava pe na faamaonia le laisene e le Pule Faatonu po o se isi pulega talafeagai faava o malo) a o i ai lea vaa

i ogasami faatagaina o Samoa, i le noatia ma le fai fuafua i le tausisia o tulafono faatonutonu a le Faalapotopotoga Faava o Malo Tau le Gataifale ma Iuni Faava o Malo o Fesootaiga Televavave mo faamoemoega o:

- (a) le saogalemu o folauga, soifua po o meatotino po o mo so o se isi lava faamoemoe e mafai ona faatagaina e le Pule Faatonu; ma
- (b) fesootaiga i luga o fusi lautele o peau-ea televavave tau leitio, e ono mafai ona faatagaina i se tulaga maoti e le Pule Faatonu, e aofia ai peau-ea televavave faatonuina faava o malo mo fesootaiga i le gataifale, i le noatia ma le fai fuafua i so o se aiaiga ua fuafuaina e le Pule Faatonu, pe afai o le faaaogāina o sea nofoaga e le o faalavelaveina ai le faagaoioiga o so o se alaleo po o se fetaulaiga ua laiseneina i lalo o Tulafono Faafoe nei.

**28. Alaleo mo faamoemoega faapitoa-**(1) E mafai ona tuuina atu se faatagaga mo le faapipiina ma le faagaoioia o so o se alaleo mo faamoemoega faapitoa, i le noatia ma le fai fuafua i aiaiga e faaee atu e le Pule Faatonu.

(2) I totonu o lenei Tulafono Faafoe, “alaleo mo faamoemoega faapitoa” o lona uiga, o se alaleo e faapea e mafai ona faavaeina faapitoa mo le faaaogāina e fesootai ma faamoemoega faapitoa mo se vaitaimi faatapulaaina ma e lē mo auunaga faapisinisi e ofoina atu.

**29. Alaleo faalauaitale o fesootaiga tau leitio-**(1) O se alaleo mo fesootaiga tau leitio faalotoifale e mafai ona tuuina i ai se faatagaga e faaaogāina ai le tasi pe sili atu foi o meafaigaluega ua taua:

- (a) o fesootaiga mautu mai le tasi nofoaga i le isi nofoaga;
- (b) o fesootaiga mautu mai le tasi nofoaga i nofoaga e tele;
- (c) o leitio feaveai tau le tagata lava ia;
- (d) o leitio feaveai e avanoa mo tagata uma;
- (e) o leitio tau folauga ma faiga o nofoaga talafeagai ia ua lē aofia i lalo o alaleo e faatonutonu ai fesootaiga tau vaalele po o i le gataifale;

(f) so o se isi lava ituaiga o alaleo ua manatu le Pule Faatonu ua talafeagai ai.

(2) E mafai e le Pulega Faatonu, i manaoga o le faaaogāina tatau o fusi o alaleo po o mo so o se isi lava mafuaaga, ona faaaogāina so o se alaleo o faamatuu atu ai faasalalauga tau leitio o i ai nei po o faaaogāina faatasi o se isi alaleo, i le noatia ma le fai fuafua i aiaiga e mafai ona faaee atu e le Pule Faatonu

**30. Nofoga mo suesuega ma atinae-**(1) E tatau ona faamatuu atu se faatagaga mo se nofoaga mo suesuega ma atinae mo so o se faamoemoega ua taua:

(a) faalapotopotoga tau aoaoga, faavaeina o aoaoga po o ni tagata agavaa e pei ona mafai ona fuafuaina e le Pule Faatonu mo le faamoemoega o le faatautaia o suesuega ma gaoioiga tau atinae, faataitaiga po o faatinoga i fesootaiga tau leitio;

(b) tagata e faatinoina feutanaiga ua laiseneina, po o au gaosi oloa po o o ē auina mai oloa mai fafo o, meafaigaluega o fesootaiga tau leitio mo le faamoemoega o le suesueina, faataitaiga po o le faatautaia o suesuega ma atinae i auaunaga ma tekonoosi o fesootaiga tau leitio.

(2) O se suesueina ma nofoaga alaleo atinae:

(a) e mafai ona lē faaaogāina (e ese mai i le pule faataga ma ona aiaiga) -

(i) ia tuuina atu auaunaga feesootaiga mamao a tagata lautele i se faiga tau pisinisi; po o le

(ii) tuuina atu so o se auaunaga mo tagata lautele; po o

(b) e lē tatau ona faaee atu so o se faamanuiaga e agavaa i ai i le vaega o kamupani laiseneina i so o se laisene o nofoaga o alaleo po o laisene o fusi alaleo i le lumanai.

(3) E mafai e le Pule Faatonu ona faatapulaa malosiaga aupito i maualuga o se nofoaga alaleo lea e faamatuu atu ai se suesuega ma atinae, e faatatau i le faamoemoe lea ua uma ona tuuina mai ai le faatagaga ma aiaiga e tatau ona galueaina ai.

(4) E tatau i kamupani laiseneina ona mataitu fusi alaleo ua uma ona atofaina mo so o se mea e ono faalavelaveina ai ma e tatau ona tuuina atu faamaumauga o faaiuga o a latou galuega mataitu i le Pule Faatonu.

**VAEGA 5**  
**MASINI TAU FESOOTAIIGA**  
**MO NOFOAGA VAVALALATA**

**31. Masini Tau Fesootaiga mo Nofoga Vavalalata-**

(1) O Masini Tau Fesootaiga mo Nofoga Vavalalata:

(a) e faasino i masini po o ni meafaigaluega tau leitio lea e tuuina atu ai le alaleo e tasi po o ni fesootaiga o ni alaleo e lua ma e maualalo lona tulaga e ono faalavelaveina ai isi meafaigaluega; ma

(b) faaaogā enitena atoatoa, faamoemoeina, ma aumai mai fafo ma ituaiga uma lava o fesuiaga ma faatulagaga o alaleo.

(2) O se lisi e lē faatapulaaina o masini tau fesootaiga mo nofoaga vavalalata ua faatulagaina i le Vaega 1 o le Faamatalaga.

**32. Taiala faavae mo le faagaoioia o Masini Tau Fesootaiga mo Nofoga Vavalalata-**(1) O masini tau fesootaiga mo nofoaga vavalalata e faatagaina ona faagaoioia i luga o faiga e aunoa ma se faalavelaveina ma e lē puipuia.

(2) O masini tau fesootaiga mo nofoaga vavalalata e faagaoioia ai i se faiga e mulimuli ane ai mo le fusi alaleo ua faatulagaina ma e lē tatau ona faalavelaveina ai isi o loo faaaogāina i totonu o fusi alaleo tau leitio.

(3) O malosiaga aupito maualuga ma fusi alaleo ua faatulagaina o loo faatulaga mai i le Vaega 2 o le Faamatalaga, e lē tatau ona sili atu vagana ai ua tuuina mai se uluai faamaoniga tusitusia a le Pule Faatonu.



**VAEGA 6**  
**TIUTE TAUAVE MA NOATAGA LAUTELE**

**33. Fefaasoaiga o fusi alaleo** - E lē tatau i se kamupani laiseneina ona fefaasoaai ma tuuina atu se faatagaga i seisi tagata po o tagata e faaogā so o se vaega o fusi alaleo ua tuuina atu i kamupani laiseneina, e aunoa ma le uluai faamaoniga tusinga a le Pule Faatonu ia i latou nei e lētatau ona faatagaina i ai se faamaoniga.

**34. Tagata ofisa faatagaina** - E mafai e le Pule Faatonu i se faiga tusinga ona faatagaina se tagata ofisa o se Ofisa e tauaveina so o se galuega tauave, tiute po o malosiaga i lalo o nei Tulafono Faafoe.

**35. Asiasiga o meafaigaluega o fesootaiga tau leitio-**  
(1) E ao i se kamupani laiseneina ona faaavanoa se tagata ofisa faatagaina (i luga o le tuuina atu o pepa e iloagofie ai):

- (a) e ulufale ai i so o se fale, nofoaga, lotoa, po o isi nofoaga, taavale, vaa, vaalele lea o lo o faapipiina ai se alaleo tau faasalalauga po o se vaega o fesootaiga o faamatalaga faakomepiuta; ma
  - (b) e asiasia, iloilo po o le suesue so o se meafaigaluega e aofia ai alaleo tau faasalalauga po o se vaega o fesootaiga o faamatalaga faakomepiuta.
- (2) E lē tatau i se tagata ona:
- (a) faauilavea pe aia fua o ia i mataupu o so o se fesootaiga tau leitio, e ese ai na i lo ia ua faasalalauina mo faamatalaga lautele po o mo faamatalaga a kamupani laiseneina e faasino i lea lava vaega ua laiseneina tau i fesootaiga o faamatalaga faakomepiuta; po o
  - (b) ia lomina pe lomina faasalalau po o e tatau ona lomina faasalalau po o le mauaina o faasalalauga taitoatasi po o tulaga lautele, lea e mafai ona pasia po o le pasia ai o meatotino a lea tagata po o ua iloa e lea tagata, pe afai e le faatagaina lea tagata e avanoa i ai i fesootaiga tau leitio.

(3) Vagana ai ua aiaia i se isi faiga e ese ai i totonu o nei Tulafono Faafae po o e ala i tuutuuga o le avanoa i fesootaiga tau leitio, e tatau ona faamalosia le umia i se tulaga mautū, o fesootaiga uma tau leitio (vagana ai tulaga ia o lo o faaooina atu mo faamatalaga lautele), lea e mafai ona tuulima atu po o ua iloa e lea tagata.

(4) So o se kamupani laiseneina e ona, umia po o faaaogāina meafaigaluega tau eletise, faaeletoroni po o fesootaiga tau leitio lea e faapogai ai po o ua masalomia le faapogai ai o le tulaga faalavelaveina tau eletise po o ave-uila po o ua faaletonu ai meafaigaluega tau fesootaiga, alaleo, fesootaiga o faamatalaga faakomepiuta po o faiga o faaaogā, e tatau ona faatagaina e le Pule Faatonu po o se tagata Ofisa faatagaina, e asiasia meafaigaluega a lea tagata ina ia fuafuaina ai pe o le tulaga faalavelaveina e faapogai mai lea i meafaigaluega a le kamupani laiseneina.

**36. Alaleo ma fesootaiga o faamatalaga faakomepiuta e ao ona faaaogāina mo faamoemoega e tusa ai ma le tulafono** - E lē tatau i se tagata ona faagaioia pe faaaogāina so o se fusi o alaleo tau leitio po o faamatalaga o fesootaiga faakomepiuta mo po o i le faatino atili ai o so o se faamoemoe e le tusa ai ma le tulafono po o e solitulafono.

**37. Tapulaa e uiga i le faaooina atu o faamatalaga-(1)**  
E lē tatau i se tagata ona faaooina atu so o se faailoilo e lē faatagaina e ala i fusi o alaleo tau leitio po o faamatalaga o fesootaiga faakomepiuta.

(2) E lē tatau i se tagata ona ia faatinoina so o se suesuega, iloiloga po o le faatinoina o le faaooina atu o faamatalaga, vagana ai ua i ai le uluai faamaoniga tusitusia a le Pule Faatonu.

(3) E lē faaaogāina le tulafono faafae (2) i tulaga e aliae mai i so o se suesuega, iloiloga po o le faatinoina o le faaooina atu o faamatalaga e puipuia ai le ono faalavelaveina ai so o se isi lava fusi o alaleo tau leitio po o faamatalaga o fesootaiga faakomepiuta.

(4) E lē tatau i se tagata ona faaooina atu:

(a) so o se faamatalaga e aofia ai ni uiga mataga, upu masoa, po o se gagana solitulafono (feau tusitusia, leo po o ata);

- (b) so o se faamatalaga mo se faamoemoe e lē talafeagai ai, e lē tusa ai ma le tulafono po o e solitulafono;
  - (c) so o se faamatalaga lea e faalavelaveina ai faatinoga o so o se alaleo ua faatagaina po o vaega o faamatalaga o fesootaiga faakomepiuta; po o
  - (d) so o se faamatalaga lea ua iloa e lea tagata e lē sa'o po o e tau faasese, e solitulafono po o e lē tusa ai ma le tulafono ma e ono lē sagatonu ai le tulaga lelei o so o se auaunaga tau le faasaoina o le soifua po o e faaletonu ai le saogalemu o so o se tagata po o se nofoaga po o fale, vaa, vaalele po o taavale afi.
- (5) E ao i se kamupani laiseneina ona:
- (a) taofia le faagaoioiga o lona nofoaga autu o fusi o alaleo tau leitio ma vaega o fesootaiga o faamatalaga;
  - (b) faia vave so o se gaoioiga lea ua faatonuina e le Pule Faatonu i le taimi lava e maitauina ai e le kamupani laiseneina po o pe afai ua logoina e le Pule Faatonu e faapea o le alaleo a lea tagata po o ana vaega o fesootaiga o faamatalaga, ua faapogai ai le faalavelaveina o auaunaga tau fesootaiga i leitio; ma
  - (c) pe afai e faatonuina e le Pule Faatonu i se faiga tusitusia, e faamuta le faagaoioia o meafaigaluega uma po o so o se meafaigaluega o aofia ai i le nofoaga o alaleo a le kamupani laiseneina, mo se vaitaimi ua faamaoti mai e le Pule Faatonu mo le faamoemoe o suesuega.

**38. Faatonuga e aveesea pe tuuititia ai tulaga faalavelaveina-**(1) Afai ua fuafuaina e le Pule Faatonu e faapea o tulaga faalavelaveina po o le faaletonu i meafaigaluega tau fesootaiga i leitio, alaleo, faamatalaga tau komepiuta po o faiga o faaaogā po o e mafai ona faapogai mai se meafaigaluega faapitoa tau eletise, faaeletoroni po o fesootaiga tau leitio, e mafai e le Pule Faatonu e ala i se faiga tusitusia, ona faatonuina lē e ona po o lē o faaaogāina

lea meafaigaluega tau eletise, faaeletoroni po o fesootaiga tau leitio, e faatino i ana lava tupe faaalu so o se tasi po o le sili atu o itu nei:

- (a) faatino faiga talafeagai e aveesea pe tuuitiitia ai tulaga faalavelaveina po o faaletonu;
  - (b) foia se faaletonu i totonu po o le faagaoioiga lē talafeagai ai o le meafaigaluega;
  - (c) faafou pe fetuunai le meafaigaluega;
  - (d) le faalēaogāina o le meafaigaluega.
- (2) E mafai e le Pule Faatonu:
- (a) ona manaomia so o se gaoioiga e manaomia le faia i lalo o le tulafono faafoe laitiiti (1), ina ia faamamaluina i totonu o le vaitaimi e pei ona mafai ona fuafuaina e le Pule Faatonu, i le amanaia ai o tulaga aliae mai o mataupu taitasi;
  - (b) e ala i se faasilasilaga tusitusia, ona faasāina le faapipiina po o le faaogāina o se meafaigaluega seia vagana ai ua tausisia faatonuga o i lalo o tulafono faafoe laiti (1) po o le (2)(a); ma
  - (c) pe afai e talafeagai ai, ia faamautuina pe aveesea meafaigaluega tau eletise, faaeletoroni, fesootaiga tau leitio po o so o se tasi o ona vaega ua faasinomia i le tulafono faafoe laitiiti (1).

### **39. Faatinoga e vave aveesea ai tulaga faalavelaveina**

- Afai ua faamalieina le Pule Faatonu e faapea o se tulaga faalavelaveina:

- (a) e faapogai mai i se kamupani laiseneina; ma
- (b) e mafai ona lamatia ai le soifua, e mafai e le Pule Faatonu, i se faiga tusitusia ona faatonuina le kamupani laiseneina ina ia vave taofia loa le faaooina atu o faamatalaga ua faia e ala i meafaigaluega tau eletise, faaeletoroni, po o fesootaiga tau leitio a le kamupani laiseneina seia vagana ai ua aveesea pe tuuitiitia tulaga o faalavelaveina ai ina ia faapea ona le lamatia ai le soifua.

**40. Toe suia o nofoaga o alaleo** - E lē tatau i se kamupani laiseneina ona suia se nofoaga pe aveesea so o se nofoaga o fusi o alaleo tau leitio ua laiseneina, vagana ai ua i ai se uluai faamaoniga tusinga a le Pule Faatonu e toe suia ai pe aveese ai le alaleo.

**41. Faaaogāina o fusi o alaleo tau leitio i faalavelave tutupu faafuasei** - E le o solia e se tagata le tulafono faafoe 12, pe afai ua i ai i le tagata le talitonuga talafeagai e faapea o le faaaogāina po o le faagaoioia o fusi o alaleo tau leitio ua talafeagai lea mo le faamoemoe o le:

- (a) tagofiaina o se faalavelave e tupu faafuasei e aofia ai tulaga lamatia i le maliu, o manuaga i se tagata;
- (b) tagofiaina o se faalavelave e tupu faafuasei e aofia ai se tulaga ogaoga tau faamatau i le Siosiomaga; po o
- (c) tagofiaina o se faalavelave e tupu faafuasei e aofia ai lamatiaga i tulaga leiloa po o le faaleagaina o meatotino.

**42. Faasalaga mo le solia o tulafono faafoe** - O se soliga o se aiaiga o nei Tulafono Faafoe, o se soligatulafono lea i lalo o le fuaiupu 75 o le Tulafono.

**FAAMATALAGA**

*(Tulafono Faafoe 31 ma le 32)*

**VAEGA 1 - Masini Tau Fesootaiga mo Nofoga Vavalalata (SRD) (Tulafono Faafoe 31)**

O alaleo ua faaaogāina pea ua faatulagaina lea mo Masini Tau Fesootaiga mo Nofoga Vavalalata (SRDs).

S.No.	Typical Application Type	Authorized Frequency Bands / Frequencies (channel spacing)	Maximum Field Strength / RF Output power	Harmonized Standard Reference	Remarks (Emission type, duty cycle, other restrictions etc)
<b>E le o ni Masini Maoti Tau Fesootaiga mo Nofoga Vavalalata</b>					
1	ISM	6765.00 kHz – 6795.00 kHz	42 dBμA/m at 10 m	FCC Part 15 EN 300 220 EN 300 330	
2	ISM	13.5530 MHz – 13.5670 MHz	42 dBμA/m at 10 m	FCC Part 15 EN 300 220 EN 300 330	
3	ISM, CB	26.9570 MHz – 27.4050 MHz	42 dBμA/m at 10 m E.R.P 10mW	EN 300 220 EN 300 330	
4	ISM	40.66 MHz – 40.70 MHz	E.R.P 10mW	EN 300 220	
5	ISM	433.05 MHz – 434.79 MHz	E.R.P 10mW	EN 300 220	
6		868.00 MHz – 868.60 MHz	E.R.P 25 mW	EN 300 220	
7		868.70 MHz – 869.20 MHz	E.R.P 25 mW	EN 300 220	
8		869.40 MHz – 869.65 MHz	E.R.P 100 mW	EN 300 220	
9		869.70 MHz – 870.00 MHz	E.R.P 25 mW	EN 300 220	

10	SRC/D ECT	1880.00 MHz – 1900.00 MHz	E.I.R.P 100 mW	EN 300 220	
11	ISM, WLAN, Blueto oth	2400.00 MHz – 2483.50 MHz	E.I.R.P 10 mW	EN 300 440 EN 300 328	Indoor use only
12	WLAN	5470.00 MHz – 5725.00 MHz	E.I.R.P 25 mW	EN 300 440	Indoor use only
13	ISM, WLAN	5725.00 MHz – 5875.00 MHz	E.I.R.P 25 mW	EN 300 440	Indoor use only
14	ISM	24.00 GHz – 24.2500 GHz	E.I.R.P 100 mW	EN 300 440	
15	ISM	61.00 GHz – 61.50 GHz	E.I.R.P 100 mW	FCC Part 15	
16	ISM	122.00 GHz – 123.00 GHz	E.I.R.P 100 mW		
17	ISM	244.00 GHz – 246.00 GHz	E.I.R.P 100 mW		
<p><b>FAAOGĀINA O MASINI TAU LEITIO E SAILIA AI NOFOAGA MA ISI FAAPENA</b>  <i>E aofia ai masini SRD, Meafaigaluega e Faailoa ai Fegasoloaiga ma le Nafo Sauniuni. O le Sailiga tau leitio ua faamatalaina e avea o le sailiga o nofoaga, malosī po o isi ulga vaaia o se meafaitino, po o le mauaina mai o faamatalaga e faasino i nei uiga vaaia e ala i tulaga tau faasalalauga i leitio</i></p>					
18		10.50 GHz – 10.60 GHz	E.I.R.P 500 mW	EN 300 440	
19		24.05 GHz – 24.25 GHz	E.I.R.P 100 mW	EN 300 440 EN 302 288	
20		57.00 GHz – 64.00 GHz	E.I.R.P - 41.3 dBm/MHz	EN 302 372	
21		75.00 GHz – 85.00 GHz	E.I.R.P - 41.3 dBm/MHz	EN 302 372	

FELAUJAIGA I ALA TETELE MA FAAMATALAGA TEKONOLOSI E TAGOFIA AI LE FEAVEAIGA I NOFOAGA MAMAO O FAAMATALAGA FAAKOMEPIUTA (RTTT)					
22		76.00 GHz – 77.00 GHz	55 dBm peak E.I.R.P -50 dBm average power - 23.5 dBm	EN 301 091	For pulse radar only. Vehicle and infrastructure radar systems
<b>FAAOGĀINA O MASINI E FAAILOA AI</b> <i>E aofia ai vaega e taofia ai le fealua'i o se taavale, e faailoa ai meaola, faiga e faailoa ai, faailoa ai fetaulaiga o uaea, faafoega o otaotavale, faailoagofieina o le tagata patino o fesootaiga e lē faaogāina ai ni uaea, puipuiga e avanoa i ai, masini e faailoa ai, faiga e lē maua ai se gaosi e aofia ai le RF, faaliliuina atu o faamatalaga i masini feaveai, faailoagofieina i faiga otomeki, faiga e faafoe ai e lē faaogāina ai ni uaea, ma faiga otomeki e faailoa ai i luga o auala.</i>					
23		9.00 kHz – 148.50 kHz	72 dBμA/m at 10m	EN 302 291 EN 300 330	
24	Security device	3155.00 kHz – 400.00 kHz	13.5 dBμA/m at 10 m	EN 302 291 EN 300 330	
25		6765.0 kHz – 6795.0 kHz	42 dBμA/m at 10 m	EN 302 291 EN 300 330	
26		7400.0 kHz – 8800.0 kHz	9 dBμA/m at 10 m	EN 302 291 EN 300 330	
27		13.553 MHz – 13.567 MHz	60 dBμA/m at 10 m	EN 302 291 EN 300 330	
28	Wireless microphone/ Remote Control	26.957 MHz – 27.283 MHz	42 dBμA/m at 10 m ERP 10mW	EN 302 291 EN 300 330	
29	Wireless microphone	830.00 MHz – 850.00 MHz	E.R.P 10mW	EN 300 220	



<b>FAAFOEGA O MASINI</b> <i>Mo le faamoemoe faapitoa o le faafoeina o le faagaioiga o le masini faataitaiga i le ea, i luga o le laueleele, po o luga po o lalo o le suavai</i>					
30		26MHz, 27MHz, 76MHz;	E.R.P 100 mW	EN 300 220	
<b>FAAOGĀINA O TULAGA E ILOAGOFIE AI ALALEO TAU LEITIO</b> <i>E aofia ai vaega otomeki e faailoagofie ai, sailia o aseta, faiga e faailoa ai, faafoega o otaotavale, faailoagofieina o le tagata patino, puipuiiga e avanoa i ai, masini e faailoa ai, faiga e lē maua ai se gaoi, faiga e iloa ai nofoaga, faaliliuina atu o faamatalaga i masini feaveai, ma faiga e faafoe ai e leai ni uaea e faaogāina.</i>					
31		13.5530 MHz – 13.5670 MHz	60 dBμA/m at 10 m	EN 302 291 EN 300 330	
32		2446.00 MHz – 2454.00 MHz	E.I.R.P 500 mW	EN 300 440	Power levels above 500 mW (max E.I.R.P 4W) are restricted to use inside the boundaries of a building and the duty cycle ≤15 % in any 200 ms period (30 ms on /170 ms off)
<b>MASINI E LĒ FAAOGĀINA AI NI UAEA I TULAGA TAU LE SOIFUA MALOLOINA MA LE FAALOGO</b>					
33	Active Medical Implant	401.00 MHz – 406.00 MHz (25kHz)	E.R.P 25 μW	EN 301 839 EN 302 537	
34	Active Medical Implant	9.00 kHz – 315.00 kHz	30 dBμA/m at 10 m	EN 302 195	Duty Cycle <10%

35	Medical membrane Implants	30.00 MHz – 37.50 MHz	E.R.P 1 m W	EN 302 510	Duty Cycle <10%
36	Aids for hearing impaired	169.40 MHz – 174.00 MHz (50kHz)	E.R.P 10 m W	EN 300 422	
<b>MASINI MO LEO E LĒ FAAOGĀINA AI NI UAEA</b>					
<p><i>E aofia ai masini faaleotele leo e lē faaogāina ai ni uaea; e tuu i luga o le ulu; masini e tuu i luga o le ulu e faigofie ona feaveai, mo se faataitaiga o CD, kaseti po o masini tau leitio e feaveai e se tagata, masini e lē faaogāina ai ni uaea e faaogā i taavale, mo se faataitaiga o le faaogāina i se leitio po o se telefoni feaveai; mataituina i le faalogo, mo le faaogāina i koneseti po o isi faatinoga i luga o folā e faaogā</i></p>					
37	SRC/ Cordless	47.0000 MHz	E.R.P 10 mW	EN 301 357	
38	SRC/ Cordless	43.00 MHz, 46.00 MHz, 49.0000MHz;	E.R.P 10 mW	EN 301 357	
39	SRC/ Cordless	2400.00 MHz – 2483.50 MHz	E.R.P 10 m W	EN 301 357	
40		863.00 MHz – 865.00 MHz	E.R.P 10 m W	EN 301 357 EN 300 220	
41		1795.00 MHz – 1800.00 MHz	E.I.R.P 20 m W	EN 301 357	
42		87.500 MHz – 108.00 MHz (200kHz)	E.R.P 5 m W	EN 301 357	
<b>VAEGA TALAFEAGAI TAU LEITIO MO TAAVALE</b>					
43	Vehicle Immobilizer	133.00 kHz	60 dBμA/m at 10 m	EN 300 220	Modulation type: ASK, FSK
44	Passive anti-theft system Parts	134.00 kHz	70 dBμA/m at 10 m E.R.P. 10 mW (10 dBm)	EN 300 220	Class of emission: F1D Modulation type: FSK
45	Remote Keyless Entry system /Smart Key System	433.72 MHz – 434.12 MHz	75.6 dBμA/m at 3 m E.R.P. 0.1 mW	EN 300 220	Modulation type: ASK, FSK

46	Smart Key System	133.00 kHz	95 dB $\mu$ A/m at 3 m	EN 300 220	Modulation type: ASK
47	TPMS (Tyre Pressure Monitoring System)	433.92 MHz	E.R.P 1 m W		Modulation type: FSK
48	Vehicle paging alarm	458.95 MHz	70 dB $\mu$ A/m at 10 m E.R.P 10 mW (10 dBm)	EN 300 220	Class of emission: F1D Modulation type: FSK
49	EMV (Display) with Bluetooth	2400.00 MHz – 2483.50 MHz	E.I.R.P 2.51 mW	EN 300 328	Modulation type: GFSK, $\pi/4$ DQPSK, 8DPSK
50	Intrusion sensor	2450.00 MHz	E.I.R.P 1 m W	EN 300 328	
51	Intrusion sensor	24.15 GHz	E.I.R.P 10 m W	EN 300 440	
52	Milli-meter Wave Radar	76.00 GHz – 81.00 GHz	10 W to 15 W Peak E.I.R.P 316.22 W Peak E.I.R.P	EN 301 091	Automatic cruise control, collision warning system for vehicle
53	Navigation Device (GPS Receiver)	1575.42 MHz			
54	Glass Breakage sensor (Alarm)	13.5530 MHz – 13.5670 MHz	60 dB $\mu$ A/m at 10 m	EN 302 291 EN 300 330	

*Faasilasilaga:*

1. *O Meafaigaluega o Ituaiga Fusi o Alaleo (CB) ma Leitia feaveai tau le tagata lava ia (PMR 446) E LĒ faatatauina o ni Masini Tau Fesootaiga mo Nofoaga Vavalalata.*
-